

Pitjutiujut

Inuit Qanurtuurutauqujangit ilagiliutisimavut titiqqani Kanatami Qanurtuurutauqujaujuni pitjutiqarsutik inungnut sivutliutjauqujaujunik amma inuktigut isumatsarsiurutausimaksutik atulirtiksijuqarasuartiglugu Killisiniartuqalaurtillugu Atulirtauqujaujugaluanik. Taakkua Kanatami qanurtuurutauqujaujut isumarsarsiurutausimangingit Inuknit pinasuaqatauqujisimavut kamajuqartiglugu gavamaujuni gavamatuqakkut amma aviktursimaurtut atuagaliartiglugit kamatjutauqattaniartunik amma ikajuutiuaqattaniartunik. Inuit Qanurtuurutauqujangit isumaqujivut gavamaujut sanirvaikainnaqullugi immikkut gavamauksutik pijunnautiminik tamakkua pijunnautigijaujut pinailutauliqunagit kamatjutaularajartugaluanik inuusilirinirmuungajulik, makitagasuarnirmuungajunik, gavamalirinirmuungajunik amma aqqigiarutaujunnartunik iliqqusitukakkut aqqiumaluanginniknginnik amma sunakkutiqatsianginnirmut pinailutaujunik.

Inuit Qanurtuurutauqujangit tilisigaluarput gavamaujunik, Inuit Nunalirinirmut Timiqutinginnik amma asinginnik timiujunik pinasuaqataujunik Inuit Qanurturutiliurtinginnik sivumuaksiaqullugit atulirtitaunasuartillugi 46ngujut Inungnut-turaangalluatartut Killisiniartuqalaurtillugu Atulirtauqujaujunik tamakkua Inuit arnait amma nivarsiat aannirtirtauqattaqunagit amma pijuttiqarillutik saqqijjuqaqullugu akauunarutiksanik anniartailimanirmuungajunik amma attanattailimanirmuungajunik amma makitasianirmuungajuni inuusiktinni. Gavamaujut amma Inuit timiqutigijangit atunit immikkut pilirijaqammata tamaimmat tamakkua sivukkaigiarput sivumuaktiksijuqartillugu. Inuit kingurtausimajut amma tuqutausimajut kimmakungit amma ilangit, amma Pauktuutitkkut Inuit arnangit Kanatami amma inui arnangit amma asingitlu tamakkua uqautjuusingit tusaumajauullarigiarput atuutiqartitaulutiglu kajusititautsiaqullugu Kanatami Inuit Qanurtuurutauqujangit Inuit annirtirtaunirivaktangi isulitjuumiqullugu.

Inuit, Alangajut amma Atlait immikuurmata inuusirmigut. Qanurtuurutauqujaujut atulirtitaugiaqanningit Kanatalimaami Qanurturutauqujaujunik tukimuatjutiqariaqarput isumagilugi immikkuumaningit Nunaqaqqaarsimajut. Inuit nunaqaummata Kanatami aviktursimaaurvilimaanginni amma isumatsarsiurutauqattariaqarput maliksugi iliqqusituqavut amma nami nunaqaraluarusata amma uqausituqavutlu amma naminirlu gavamauqannivut ammalu pijunnautitaarijausimajut saqqirsimajut nunalirinirtigut tamanna nalunairsisimangmat Gavamatuqakkunnik piliriqatigitjutiktinnik. Ammaluttauq, Inuit nunaliujut Inuit Nunangitta silataanimiut immikuttauq pitjutiqaummimmata amma isumatsarsiurutaugiaqarsutiglu.


Inuit Qanurturutiliurtinginnik

Inuit Qanurtuurutauqujangit aqqिताusimavut Kanatami Inuit Qanurturutiliurtinginnut iksivautaqaarsutik Pauktuutikkunningaartumik amma Inuit Tapiriikkunningaartumik. Qanurturutiliurtiit quliuvut kiggarturtiqarsutik Inuvialuknit, Nunavuup

Tunngavikkunnit, Makivikunnit amma Nunatsiavut Gavamakkunginnit. Ilagijaularmijut kigaartuijut tisamaulingajuni nunalingniingaarsimajuni timiujuni ukunangat: Ilagiit amma Qimmakuit Katutjiqatigiinginni, Tunngasuvvingat Inuit, AnanauKatiget Tumingit, amma Saturviit Inuit Arnait Katutjiqatigiingit Nunavimmi.

Inuit Qanurtauurutaqujangit

Inuit Qanurtauurutaqujangit tukimuatjutiqarput immikkuut 14-ngujuni. Taakkualu nalunairarsimakannirput kamagijaugialinnik gavamatuqakkunnut amma aviktursimaurtunut amma inuit timiqutinginnut turaangajunik.



Isumagiaqanninga amma ikajurturtausimagiaqanninga Inuit Immikkut-Qanurturiaqanninginnik

Inuit Qanurtauurutaqujangit kajusititausianiartuarpata tamakkua gavamaujut isumagijaqariaqaraluarput amma ikajurtuisimatsiariaqallutiglu Inuit Immikkut-Qanurturunnariaqanninginnik. Tamanna kajusijunnaraluarpuq tusaajautsiarlutik Inuit arnangit, Inuit timiqutingit amma gavamaujut pinasuaqatigatsiarlutik aaqqisurtauninganik amma kajusititauninginnik aqqigiarutaqujaujut nalunairtaujut Inuit Qanurtauurutaqujangitni. Inuit arnait amma niviarsiat annirtitaqattaqunagit

kajusititaujunnaraluarivuq inuit timiqutingit amma gavamaujut aturtiksilutik Inuit immikkut qanurtuuqattariaqanninginnik, katutjiqatigiillutik sivumuaktiksijuqaqattarlunilu gavamatuanut sivumuaktitatuvalaurtunik. Kajusiumainnatsiarlutik amma ilungirsursiarlutik kajusitiksigasuarqarput gavamaujulimaat amma Inuit pivallirtitauqullugit inuusitsiarinnirsauliqullugit Inuit arnait nivarsiatlu amma asingit.

Inuit Qanurtuurutauqujangit ilunnani uqalimaarunnartait una naqillugu:

www.itk.ca/mmiwg-inuit-action-plan

www.pauktuutit.ca/mmiwg-inuit-action-plan